

倦居縣志 卷之七

古蹟

古蹟者古人之蹟也古人不可見也其蹟如見古人焉此蹟之不可不志也予嘗驅車過寒蕪之野夕陽在山亂流明滅鳥驚獸駭四顧愴然父老爲予言見有若歌樓矣有若舞榭矣有若西舫朱欄矣轉盼間已成陳迹而况數百年事保其不堙沒乎僊當盛時諸公不無臺沼之樂雖非若襄陽峴首越水鑑湖爲天下所艷然流風遺韻亦未嘗不足動一方之憑吊也志之俾其蹟傳人庶人或與以傳云

倦居縣志

卷之七

古蹟

桐江

唐方干寓桐廬後遷僊之板橋以居至趙宋其裔孫斲構書院以延學者遂以桐江名朱文公熹過之爲書鼎山堂王十朋爲書東南道學世家明時又有方世德仍置義田以繼其德云

上蔡書院

去縣東三里卽今開口岩下宋趙必升以浙漕准遣引年而歸請于朝爲上蔡書院初上蔡謝良佐卒于台守黃縈因建院以祀先生必昇倣其例亦稱上蔡焉舊刻在縣西南五十里馬

鞍山之麓

小西湖

卽今石井之西眉潭宋吳芾築堤蓄水爲湖岸植桃柳朱欄環繞每當風日佳美則盪漿其間

淡園

縣北光明山之陽內有倚嘯閣漣漪亭通幽處拜石軒諸勝宋張文肅公次賢投閒處也

友菊樓

縣南硃溪宋呂六松所構呂葢以淵明自况故名

居縣志

卷之七

古蹟

鑑玉堂

在南峯山上宋蔣應雷構先是雷祖號覺軒者與朱晦菴游鑿山南桃花洞及公登進士解組歸隱築書院于其上教授門徒遍兩浙振飭士風屢徵不起時理宗高之勅其榜曰鑑玉堂婺人王魯齋詩云藥鼎香浮接霍寺書堂影壓釣魚船又邑人郭磊卿詩云鳥飛塢畔雲低樹忽聽清流棹客船葢實錄也

翠微閣

在南山之北麓宋張朴所構有詩云月明曳杖

呼玄窠畫靜推窻語白雲

碧西山房

南峯下之黃村宋陳仁玉所構有松聲山陰溪上等名臺榭壯麗頗擅奇觀

冲菴

在縣南七里前山宋處士郭嘉卿別墅也理宗御書冲菴二字以賜之郭嘉卿又建前後書院鄭雄飛置田以美焉

桐林書院

二十都大張之西宋張震龍所闢以教鄉之子

僊居縣志

卷之七

古蹟

三

弟朱文公熹行部過之爲書一門文教

東澗

在城南東河宋提舉陳章引河水貫其中跨以虹橋叢以竹樹有浮香羽波諸亭及五松臺爲邑名園之冠

安洲書院

縣東南二十八都崇教里宋翁森所建益授徒八百云

萬緣亭

在城西社稷壇後明別駕張成德建旁有樓數

楹貯古圖書詩四其中顏曰輿返閣范綱爲之
記

蔗園

縣東麻姑山之麓明應方伯汝化所建內有望
耕樓碧荷亭陟岫亭各擅其勝陳寒山函輝題
云一徑一花色無時無鳥聲

綠斐軒

邑西北隅明處士張堂賞著書處週圍可五六
畝許修竹數千竿翼之鬱葱掩映盧侍御明章
尹京兆彥嘗相與觴咏其中有綠斐軒聯句

隱居縣志

卷之七

古蹟

四

蓼溪書院

在縣西田市之南明刺史吳炳庶所建延名宿
以訓其鄉之子弟有亭榭池沼之勝

慶湖草堂

縣東夏閣明應昌禪所構枕山倚澗殊饒物外
之致弟昌禧字君萃又構淨綠軒貯名花怪石
其中旁有古樹二本婆娑陰映盛夏不暑